

Spantenbier di Larimar SPA



ORANJESTAD (AAN): Diabierna Radisson Aruba Resort Spa & Casino a celebra un logro importante di construccion cu e Spantenbier tradicional, ya cu construccion a yega na e punto mas halto.

E resort su Larimar Spa, situa dilanti lama riba su so den un edificio di 13,000 pia cuadra cu ta costa \$5.2 milyon, ta programa pa keda cla na e temporada di herfst benidero.

“E no ta un spa ordinario,” segun especialista di construccion Dick Goin, di Hanscomb, Faithful & Gould, “e ta un facilidad unico cu diseñonan bunita di camber pa tratamiento, cabinanan di sauna y steam, Vichy showers, hardinnan di relajacion, pisinanan, areanan dedica pa manicure, pedicure y cuido di cabeï, como tambe un centro di gym y fitness ultra-moderno.”

Propietario di Nayo Construction, Enzo Pezzi, su supervisornan y ekipo, tambe a forma parti di e celebracion. E dos ekiponan di experto local y internacional di construccion lo traha hopi duro den e siguiente 30 dia pa caba cu construccion, pone tur e mueblesnan y instala e ekipo na tempo pa e gran apertura.

“Esaki obviamente ta un inversion grandi,” tabata palabranan di Gerente General Gary Jutz, “cual mas ainda ta demonstra e confianza total di Marilyn Carlson Nelson, Chairman y Chief Executive Officer, na cabes di e companianan di Carlson, den Aruba.”

Ademas di esaki, Marilyn Carlson Nelson, riba nos isla como un orador invita pa e Carlson Summer Finance Conference September ultimo, a tuma tempo liber pa ta presenta durante e ceremonia di corner stone, demostrando su interes grandi den e proyecto.

“E construccion di e elegante Larimar Spa na Radisson Aruba Resort & Casino ta parti di e hotel su evolucion,” Jutz a conclui, “mientras cu e ta sigui segura su posicion como e hotel mas luhoso na Aruba.”

Den e potretnan por wak trahadonan di construccion, Dick Goin, Enzo Pezzi y Gary Jutz, durante e celebracion di Spantenbier.

